

Inatsisartuni ilaasortaq
Aleqa Hammond

**Greengems Aps aamma Rimbal Pty Ltd.-imut tunngatillugu Siumumit § 36
naapertorlugu apeqqummut nr. 2010-178-imut akissuteqaat**

11. oktober 2010
Sagsnr. 2010-039161
Dok. Nr. 473448

Inatsisartut suleriaasianni § 36, imm. 1 naapertorlugu, Inatsisartuni ilaasortaq Aleqa Hammond (Siumut) imaattumik apeqquteqarpoq:

Postboks 930
3900 Nuuk
Tlf. (+299) 34 68 00
Fax (+299) 32 43 02
E-mail: bmp@nanoq.gl
www.nanoq.gl

- Naalakkersuisut siulittaasuata qanoq ilillugu nassuiarsinnaavaa piginneqatigiit nalaatsornikkut pinerat ingerlatsiviup Kangerluarsunni aatsitassarsionissamik akuersissummik tunineqareersup Tanbreez aamma ingerlatsivik GreenGems Aps-ip misissueqqaarnissamut piffissap taassuma nalaanni akuersissummik pisimasup Naalakkersuisunilu siuttunut ilaqtariinnikkut qanittuararsuamik inissisimasut. Taamatuttaaq nalaatsornikkut pisumik ataqatigiinnerat ingerlatsiviit taaneqartut marluusut Kalaallit Nunaanni aatsitassarsionissamik qinnuteqaataanut naliliiniarnermi sunniuteqarsimanersoq

Tunngavilersuut:

Paasissutissat kikkut tamarmik pissarsiarisinnaasaat naapertorlugit, nalaatsornerinnaagunartumik GreenGems Aps aamma Rimbal Pty Ltd.-llu, ilaatigut Kalaallit nunaata kujataani Eudialyt-imik piianissamik ingerlatsisussatut akuerineqarsimasut siulersuisuisa akornanni ataqatigiittoqarpoq, soorlu Naalakkersuisuni ilaasortap nalunaarutigereeraa piviusunngortinneqassasoq (Sermitisiaq nr.....?). Nunat allamiut ingerlatseqatigiiffiannik piginnittuniit GreenGems ApS-imut siulersuisutigit arlaatiguulluunniit ikiorsiisoqarsimaguni ilimagineqarsinnaavoq tamanna arlaatigut kinguneqarsimasinnaasoq.

Aallaqqaasiut:

Aallarniutagalugu Naalakkersuisut apeqqummut qujapput aammalu oqaatigissallugu Aningaasaqarnermut Naalakkersuisoq Palle Christiansen suliami matumani Naalakkersuisut sinnerlugit akissuteqassasoq, tassa Inuussutissarsiornermut Aatsitassanullu Naalakkersuisoq Ove Karl Berthelsen apeqqutip matuma akissuteqarfigineqarnerani suliamut attuumassuteqarpallaarluni nalunaaruteqarmat. Inuussutissarsiornermut Aatsitassanullu Naalakkersuisoq Ove Karl Berthelsen taamatuttaaq Greengems ApS-ip misissuinissamut akuersissutaanut akuersissuteqarfigineqarneranut atatillugu suliamut attuumassuteqarpallaarsimavoq, taamaattumillu akuersissutip taassuma akuersissuteqarfigineqarnerani peqataasimanani. Tamatumunnga uiggiullugu Inuussutissarsiornermut Aatsitassanullu Naalakkersuisup taamaattumik, § 36 naapertorlugu apeqqutip Greengems Aps-imut tunngassuteqartup matuma akissuteqarfigineqarnerani suliamut attuumassuteqarpallaarluni nalunaaruteqarnissaq pissusissamisoortutut aammalu ingerlatsinikkut eqqortutut isigaa.

Akissut:

Siullermik pingaarnertullu erseqqissarusuppara ingerlatseqatigiiffik Killavaat Alannguanni (Kringlerne) suliassamut tunuliaqutaasoq, Siumumiit apeqqummi allassimasutut, aatsitassarsiornissamik pisinnaatitaaffeqassasoq neriorsorneqarsimangimmat. Ingerlatseqatigiiffik piaanissamut akuersissummik tunineqassanersoq, avatangiisinut sunniutaasussanik nalilersuineramik, inuiaqatigiinnut tunngatillugu isumannaallisaanikkullu nalilersuineramik aammalu peqqissaartumik aningaasaqarnikkut naatsorsuineramik imaqartunik akilersinnaassutsimik iternga tikillugu misissuineramik tunngavigineqartussaavoq. Aatsitassanut lkummatissanullu Pisortaarfik Rimbald Pty Ltd-imit piaanissamik qinnuteqaammik imaluunniit akilersinnaassutsimik misissuineramik sulitigusaqanngilaq.

Greengems Aps Kommuneqarfik Sermersuumi sumiiffimmi misissuinissamut akuersissummik tunineqarpoq aammalu Rimbald Pty Ltd. Kalaallit Nunaata kujataani misissuinissamut akuersissutinik pingasunik tunineqarluni, tassanilu ilaavoq Killavaat Alannguanni (Kringlerne) misissuinissamut akuersissut.

Inuussutissarsiornermut Ingerlatseqatigiiffinnullu Aqutsisoqarfimmiit nalunaarusiamit 7. oktober 2010-imi suliarineqartumit takuneqarsinnaavoq inuit ukua Greengems Aps-imit attuumassuteqartut:

- Aviaja Vandersee (siulersuisuni siulittaasoq).
- Grethe Kramer Berthelsen (siulersuisuni ilaasortaq).
- Karin Pedersen Thorsen (siulersuisuni ilaasortaq).

Paasissutissanit ulloq 6. oktober 2010-imi eqqartuussissuserisut suliffeqarfiat Gorrissen Federspiel aqutugalugu nassiuuneqartumit Rimbald Pty Ltd.-imi inuit attuumassuteqartut eqqarsaatigalugit imatut Rimbald Pty Ltd. ilisimatitsissuteqarpoq

- Greg Barnes (siulersuisuni ilaasortaq).
- Adrian Bennett Barnes (siulersuisuni ilaasortaq).
- Siusinnerusukkut Janine Walker siulersuisuni ilaasortaasimavoq.

Matuma siuliani nassuiaatigineqartuni takuneqarsinnaasutut ingerlatseqatigiiffinni taakkunani marluusuni inuit attuumassuteqartut assigiinngillat. Tamatuma saniatigut Rimbald Pty Ltd.-ip nalunaarutigaa Rimbald Pty Ltd.-imi siulersuisuni ilaasortat maannakkut ilaasortaasut imaluunniit siusinnerusukkut ilaasortaasimasut, Greengems Aps-imi siulersuisuni imaluunniit aqutsisoqatigiinni peqataasimangitsut. Tamatuma saniatigut ingerlatseqatigiiffiup oqaatigaa, ingerlatseqatigiiffiit taakkua marluk imminnut attuumassuteqanngitsut aammalu Rimbald Pty Ltd. imaluunniit Greengems Aps arlamik ingerlatseqatigiiffianni piginneqataassutinik/aktiaatinik pigisaqartuunngitsut.

Greengems Aps-ip nittartagaani kikkunnit tamanit takuneqarsinnaasutut ujarassioq Greg Barnes 2009-imili aallarniutaasumik ingerlatseqatigiiffimmut tunngatillugu ujarassiornikkut nalunaarusiamik suliaqarsimavoq. Siunnersortit avataaneersut ingerlatseqatigiiffinnut allanut namminneq pigisarinngisaminnut nalunaarusiamik suliaqartinneqartarnerat qaqutigooortuunngilaq taamaattumillu tamanna misissuineramik suliaqartartut akornanni naloginnaasuunngitsutut imaluunniit akerliuffigineqartussatut isigineqanngilaq.

Ingerlatseqatigiiffinni taakkunani marlunni inuit assigiinngimmata, tamanna ingerlatseqatigiiffiit taakkua marluk qinnuteqaataannik naliliinermi sunniuteqarsimanngilaq. Qinnuteqaatit qinnuteqarnermi periaatsit sukkulluunniit atuuttut maleruagassani allassimasut aammalu ingerlatseqatigiiffinnut tamaginnut atuuttut naapertorlugit suliarineqartarput.

Ikinngutinersumik inuulluaqqusillunga

Palle Christiansen
Aningaasaqarnermut Naalakkersuisoq